



Arkivnr: 2018/8138-2
Saksbehandlar: Roald Breistein

Saksframlegg

Saksgang

Utval	Saknr.	Møtedato
Kontrollutvalet		
Fylkestinget		

Varsling for politikarar

Bakgrunn for saka:

I møte for Utval for opplæring og helse 17.04.2018 fekk utvalet lagt fram for seg RS16/18 «Varsling for politikarar – svar på spørsmål». I samband med saka, bad Emil Gadolin (A) om følgjande:

«Ber om at fylkesrådmannen oversender RS16/18 til Kontrollutvalet.»

Vedlagt følgjer notat som gjer greie for bakgrunnen for saka. Av dette notatet går det fram at spørsmålet kom opp i samband med at det vart vedteke reviderte varslingsrutinar for tilsette i fylkeskommunen. I fylkesrådmannen sitt svar i saka går det m.a. fram dette:

«I kva grad det bør utarbeidast konkrete rutinar/varslingsvegar også for politisk nivå, bør i tilfelle kontrollutvalet vurdere.»

Drøfting:

Slik sekretariatet ser det kan det vera føremålstenleg at det også vert laga varslingsrutinar for politisk nivå. Vi er kjend med at slike rutinar nyleg er vedteke i Askøy kommune. Kontrollutvalet bør likevel ikkje ha ei rolle i dette arbeidet, verken ved utarbeiding av slike rutinar eller i arbeidet med å handsame varslingar for politisk nivå. Det vil i tilfelle kunne gå ut over kontrollutvalet si uavhengighet.

Kontrollutvalet kan på bakgrunn av vurdering av risiko og vesentlegheit på eit seinare tidspunkt velge å gjennomføre ein forvaltningsrevisjon på dette feltet. Dersom kontrollutvalet har vore involvert i utarbeiding og handtering av slike varslingar vil ikkje utvalet vera uavhengige nok til å kunne gjennomføre ein slik forvaltningsrevisjon.

Konklusjon:

På bakgrunn av det som går fram over vert det tilrådd at fylkestinget ber fylkesrådmannen utarbeide forslag til rutinar for varsling for politisk nivå.

Forslag til innstilling

Fylkestinget ber fylkesrådmannen utarbeidet forslag til rutinar for varsling for politisk nivå.

Hogne Haktorson
kontrollsjef

Roald Breistein
utvalgssekretær

Dokumentet er elektronisk godkjent og har derfor ikkje underskrift.

Vedlegg

1 Oversending